

錢遵王讀書敏求記校證



錢遵王讀書敏求記校證 全八冊

(據長洲章氏兩寅年閏本影印)

(清)錢曾撰

(民國)章鈺校正

江蘇廣陵古籍刻印社出版
揚州古籍書店發行

一九八七年五月第一次印刷

定價四十七元

題記三

嘉慶七年歲在壬戌客吳從黃蕘圃借原本重校一過并補錄數條鱸記

題記四

鉅案此條跋接吳騫見題詞本後題記

述古堂書目殘本同里吳槎客先生從書局見之錄出十餘條并跋於後予復傳鈔時乾隆三十八年

朝廷方開四庫館浙江采集遺書進獻設局省垣此事迄今已三十四年矣嘉慶十二年秋九月予重訂讀書敏求記因附此數紙於後回憶向者橫河舟次連舫話舊燒燭檢書其好古之篤吾二人有同心也

研朱記此感慨係之郭海陳鱣

題記五

管庭芬云此條見陳簡莊徵君校本今仍之

記中所列各書厥後流傳人間儘有極尋常本而自

謂爲希世之珍者何耶

鉅案李慈銘日記云士禮居叢書刻梁公九諫宣和遺事

皆村俗小書蕘圃徒以爲述古堂舊物而刻之豈知也是翁不過錢氏一輕薄兒稍弄昏吻江湖稗販何知讀書淳安方文軒先生嘗序此書頗多詆毀故不刻

按遵王平生最爲蒙叟所暱蒙叟卒嗣子幼弱遵王利其所有率羣不逞凌而欲奪之致柳如是被逼自縊則其人槩可知矣

黃丕烈校本題記

予於辛亥

鉅案乾隆五十六年

秋得同郡王秋濤家所藏舊鈔

讀書敏求記與刻本校對異同增補脫落除鈔本錯
謬不錄外有歧異處必列於旁以示傳疑之意未敢
云精確無訛也今秋爲鈔胥竊去售諸郡城竹香書
肆予初未覺也及見其書而始知之遂以錢贖歸卷
末跋語已爲剗去心甚怏怏閱二日偶過吳趨書肆
中見插架有此本板已糊塗不及予書之善而書中
閒有錄寫他書相爲證明之語亟收之而臨前本校
對之處於此本予心頗愜焉噫一書耳而前本之失
而復得者既有珠還之喜而此本之美而且善者又

有合璧之奇豈非藝林一快事乎壬子八月望前三

日古吳黃丕烈題

鈺案此記見葉名澧鈔本後題云辛卯春日從諸城李禮南比部處

借得黃主政校本因命鈔胥過錄於此潤臣記於京寓之八萬卷書樓

嚴元照校本題記一

此書亦郡齋讀書志書錄解題之亞惜刻本多譌脫予家藏沈會侯祖彬手鈔本最善因爲宋茗香助教校一過嘉慶九年三月初九日畫扇齋主人嚴元照書

鈺案卷後有記月日三條內一條自署指月居士

題記二

三月初旬予校此書未及寄還而助教於四月初五

日歿於西湖昭慶寺予來唁小茗以此書還之痛助
教之不及見也相對慘然四月廿九日燈下元照識
於宋氏祠堂之讀我書塾

勞權校本題記一

此老友錢唐嚴厚民先生傳校本阮氏刊之謂是遵
王後定之本故於趙氏本有增刪予藏沈會侯手鈔
本雖較趙本止多一種而足以正兩本之誤用校一
過以所刪者錄於上方以便檢閱今阮氏已補鐫於
後矣鈺案所刪各條當卽趙本有而阮本無之見唯刊
成未經修版故多誤字耳嚴君下交於予者七年時

從奉手謬承稱許於去秋謝世年八十有一耆舊凋

零實堪愴岡甲辰

鈺案道光二十四年

五月勞權記

題記二

遵王藏書今爲藝林珍重觀其述古堂書目及予所
過眼者不乏佳書乃不登此記而僞本惡書充盈卷
帙致不可解蓋此君學術頗淺疏於鑒別書中論說
僅剽竊於蒙叟孱守兩家其於兩家學問亦復未能
深詣視同時儕輩中尙不迨敕先斧季也又記

題記三

分廿餘話四云錢先生藏書甲江左絳雲樓一炬之

後以所餘宋槧本盡付其族孫曾字遵王有學集中
跋述古堂宋板書卽其人也先生逝後曾盡鬻之泰
興季氏於是藏書無復存者聞今歸崑山徐氏矣己
未除夕秋井草堂錄

管庭芬校本題記一

道光壬辰

鈺案十
二年

從吳醒園丈借得此書係經兔床

簡莊諸先輩手勘不覺狂喜爲之校臨一過凡愚見
所及則更以藍筆別之海昌管庭芬記

題記二

戊戌

鈺案道光
十八年

春暮予重輯此書凡諸家校語及羣

籍中有與敏求記互相發明者並彙存之蔣生沐茂才以述古堂藏書前後序見視卽附注於後惜述古原有解題之目不可復覲讀此爲之憮然時梅雨初霽芷湘子復記於硤川寓館之北啟山莊

汪士驤校本題記

鉅案士驤事略見據校本略目

頃得舊本有許生再試爲郎朱文印一開基一變至道白文印一許道基印白文印一勛宗朱文印一壽補齋鑒存朱文印一後加一跋云閒剩太多意義每複時有獨得輒爲淺識所掩苟爲無本難言博雅也字訛乙雜出此刊校之疏戊辰秋孟九日行潞河道

中雨轍手此遣悶因書并鈴奈何許三字朱文印一

鈺案許道基字勛宗海甯人雍正庚戌進士官戶部郎中詩入兩浙輶軒錄道光乙巳春

三月十一日鐵樵假友人本借觀漫爲記之鈺案士驤本自

記云道光乙巳秋八月八日依阮刻嚴氏書福樓本鈔錄此記卽題其上

題記二

道光己酉十一月初四日海昌管芷湘假手鈔本予

因錄所未有者於上管本有誤者予以綠筆校完之

鈺案士驤校本此條下有一十四條皆記月日及瑣事其末條云道光庚戌二月廿七日依管芷湘手鈔本照騰畢凡四閱月歲一更又有云方外六舟鐫石印一方見貽文曰弱歲從戎周甲致仕八字餘不悉錄

葉廷琯校本題記

見所撰
吹網錄

錢遵王讀書敏求記四卷初爲雍正四年趙孟升刻
後有曹一士跋繼爲乾隆十年沈尙傑取趙本翻刻
卽今通行本也聞我郡黃氏士禮居藏有遵王原鈔
本頗精近見袁綬階貝簡香各依鈔本影校於刻本
始知刻本脫誤甚多且少著錄書二十餘種亦有刻
本有而鈔本無及所收部類互異者疑趙氏所刊乃
初稿而非定本至其中脫文譌字或由傳寫舛疏沈
刻序文雖云重加讐校實承訛襲謬漫然翻板而已
四庫提要深譏遵王編次無法品隲多訛故僅列

之存目中然又謂其述授受之源流究繕刻之同異
見聞既博辨別尤精但以板本而論亦可謂之賞鑑
家則仍未嘗不節取之百餘年來嗜古籍者稱道此
書不置良有由矣黃氏藏書已散鈔本不知歸於誰
氏袁校本昔在我友程孟華孝廉嶺梅蟬隱庵貝校
本爲予所得曾與孟華約他日當謀同校刻之則舊
刻本可廢亦藝林快事也今孟華久歸道山書室且
經回祿藏編亦不可問因取所校各目附錄於此庶
使後來未覩校本者有所考見云

刻本無鈔本有者 經部 孟子節文七卷 董彝

四書經疑問對八卷 九經三傳沿革例一卷

丁度集韻十卷 禮部韻略五卷 毛晃增修禮

部韻略五卷 史部 曾先之十八史略二卷

李文子蜀鑑十卷 蘇天爵國朝名臣事略十五

卷 宋濂浦陽人物記二卷 九邊圖論一卷

子部 鮑雲龍天原發微五卷 李逸民棊譜二

卷 宋伯仁梅花喜神譜二卷 集部 三孔清

江文集三十卷 王灼頤堂集五卷 危素說學

齋集三十卷 左克明古樂府十卷 張炎詞源

二卷 中興以來絕妙詞選十卷 張口口口口

詞二本原注此目鈔本
爛缺校本依之

刻本有鈔本無者 經部 周易十卷 京氏易傳

三卷 關氏易傳二卷 慈湖書二十卷 蘇東

坡易解九卷 毛詩鄭氏箋二十卷 成伯瑜毛

詩指說一卷 陸淳春秋微旨三卷 陳止齋春

秋後傳十二卷 子部 白猿經一卷錢氏原注
云此偽書

不必存 集部 歲寒堂詩話三卷 娛書堂詩話

四卷 艇齋詩話一卷 蓮堂詩話二卷 優古

堂詩話一卷 後村詩話二卷 天廚禁嚮三卷

詩學禁嚮一卷 詩林要語一卷 詩法拾英

一卷 松石軒詩評一卷

刻本鈔本部類互異者 刻本經部小學類內郭璞

注爾雅三卷羅願爾雅翼三十二卷博雅十卷鈔

本在經類 刻本經部禮樂類內朱長文琴史六

卷太音大全五卷臞仙琴阮啟蒙譜一卷鈔本在

史部器用類 刻本子部雜家類碧雞漫志五卷

鈔本在集部詞類 刻本子部太乙類太乙星書

二卷鈔本在星命類

周星詒校本題記一

鈺案星詒事略見葉昌熾藏書紀事詩

予自十一二歲時卽喜購藏古書因專意目錄之學

有志成讀書識小錄一書記古今書刻及各家書目
存亡考創始於己酉之秋先編次目錄考一種銳意
收集古今藏書目凡得鈔刻者五十餘種又徧考載
籍仿竹垞老人經籍考體例爲之其得成者已三卷
矣時亡婦平氏初歸予相助收采復出奩具使購書
冊憶舊藏此書初得時方庚戌初春在紹興南街老
屋逸雲閣上亡婦方啜茶小婢捧書來告共奪看潑
茶新蘋綠衫上滿不顧賞愛特甚各卷悉以逸莊及
名字小印識之殆徧自己卯悼亡書目考草稿多其
手跡不復忍繙閱因置不爲且以奔走不暇之故悉